



# Khutba Jummah

HAZRAT MUHYI-UD-DIN AL-KHALIFATULLAH

*Munir Ahmad Azim*

16 Septembre 2016 ~  
(14 Dhul-Hijjah 1437 AH)

**(Résumé Khutba)**

***Après ki li fine salué tous so bane disciples (et bane musulmans) dans le monde entier avec la salutation de paix dans l'islam (Assalamoualaikum Warahmatullah Wabarakaatuh), Hazrat Khalifatullah (atba) fine lire Tashahhud et Ta'uz ainsi ki Surah Al-Fatiha, et ensuite li dire:***

Ena bane scientifiques ki dire ki la terre lor ki nous pé vivre li bien tipti. Comparé à bane les autres créations d'Allah, pour zot (sa bane scientifiques là) la terre li nek ene kitchose bien banale. En fait saki zot pé dire li pas exacte, ni c'est nous croyance sa ki Bondié nek révèle Li-même zis à travers ene nation ou ene secte en particulier. Bondié pas ena kit lien ou l'amour spécial pour ene nation en particulier. Sé ki exact (pour dire) c'est ki Bondié, le Dieu de l'Univers dans so l'ensemble, fine crée bane moyens pou alimente et développe physiquement tout sa ki Li fine mette lor la terre sans aucaine distinction et d'après séki nous croire, d'après nous la foi, Allah (Bondié) Li « *Rabboul Aalamine* », c'est-à-dire, c'est Li ki distribuer So bane faveurs, So bane bienfaits à l'univers en entier. Li fine accorde bane céréales (manger et boire), l'air, de l'eau, la lumière, etc. à tout saki Li fine crée.

De la même façon, dans sak période de l'existence de l'homme (de l'humanité dans so l'ensemble) et à sak nation, Li fine, de temps en temps, envoie bane réformateurs pour la réforme de bane peuples. Pareil couma Li fine mentionné dans Surah Fatir, du Quran Shareef, Allah (twa) Li le Maître de l'univers en entier. Li même Bondié et le Créateur de tout sa. En fait, concernant sa, nous pas trouve aucaine contradiction dans bane l'écritures saint ki bane peuples avant fine recevoir de temps en temps. Sa li coumsa parski la venue d'ene réformateur li ene nécessité kan le monde pencher vers le mal et alle implique li (c'est-à-dire, kan bon nombres de bane dimounes alle implique zot) dans bane pratiques douteux couma mensonge, vol, bane disputes et l'immoralité générale ki pousse bane dimounes pou éloigne zot de la pureté et de la vertu et kot zot laisse zot envahir par l'égoïsme et vine esclave de sa (l'égoïsme là). Zot

soumission à bane tels mauvais pratiques li arrive à tel point ki zot abandonne l'adoration d'Allah et zot plonge zot dans l'idolâtrie.

Allah prend bien soin du bien-être physique et spirituel de l'homme. So extra grand Générosité demande ki dans bane telle moments d'obscurité spirituelle, Li bizin envoie ene dimoune pour faire la réforme et le concept d'ene tel représentant li en aucaine façon pas alle contre bane la lois de la nature. Pareil couma vrai di blé ki ti pé pousser dans l'époque Adam (as) et de bane les autres prophètes pas capave vine ene ene source de nourriture pour nous, et pareil couma de l'eau ki ti exister dans l'époque avant – surtout avant l'avènement du sceau de bane prophètes Hazrat Muhammad (saw) et l'Islam – pas capave passe nous la soif, alor li pareil concernant nous bane manger spirituelle. Nous bizin, pour nous propre bien-être spirituel kitchose de frais. C'est dans *Sounnat* (pratique) d'Allah ki Li aprovizionne (donne) bane nourriture pour le développement physique de l'homme kan ena kit manquement quelque part, et alor dans le domaine spirituel aussi li coumsa, kot alor, ki li pour le développement physique et spirituelle de l'homme, Allah accorde tous les deux à l'homme, parski sa deux là – développement physique et spirituel – marche ensam.

Pour celui ki rénié l'existence d'Allah, sa concept là prend ene forme différent. Mais pour celui ki croire en l'existence d'Allah, Li bizin garde en vue sa deux concepts là et en comparant tous les deux, li tire bane bénéfiques de sa. Celui ki fine crée le système physique fine aussi crée le système spirituel. Pareil couma li nourri le système physique avec bane nourriture frais, Li nourri aussi le système spirituel de sa façon là. Tout comme l'état physique dépanne de l'eau frais, l'état spirituel aussi dépanne de la révélation divine ki frais. Le corps physique pou mort si li pas recevoir kit nourriture, et alor l'âme aussi pou mort si li pas recevoir bane nourriture spirituelle. Si nous concentrer seulement lor bane références du passé kan il s'agi de bane kitchoses spirituelles, alor pas ena les autres conclusions à tirer excepter ki le système spirituel fine mort. Eski sa li possible sa (ki le système spirituel mort) ? De par so nature, Allah (twa), le Créateur Tout-Puissant désire ki nous reconnaite Li. Comme preuve de So l'existence et de So identification, Li fine touzour donne nous bane signes frais, bane signes récents et réels et alor li pas difficile pou compran sa. C'est sa système là ki fine toujours fonctionné et ki pé touzour contigne fonctionné. Des milliers et des milliers de prophètes fine vini et à travers zot propres actions zot fine fourni à l'homme bane telles preuves, complétant ainsi le concept en faveur de l'existence de Dieu (d'Allah).

Couma eski ene dimoune ki déclare li ki li ene scientifique ou ene filozof capave mette en doute sa processus continuel d'Allah là kot Li envoie bane signes ki vine de Li pour ki bane dimounes prend compte et reflechi et reforme zot conduite ? Couma eski zot capave mette en doute sa bane telle signes attesté là ki fine résisté à l'épreuve du temps? Si pas ti ena la nécessité pou envoie bane signes frais, alor bane opposants ti pou justifié dans zot argument pou dire, mais kifer nous pé présente zot seulement bane vié zistoires, bane zistoire vié dimounes, et kifer nous pas pé présente zot bane nouvo preuves, bane tels preuves ki réelle et ki bane l'exemple vivant

– alor si tel est zot désire, mo mette mo-même à zot disposition pou montrer zot sa bane signes (frais) là.

Ene astronome pas capave donne ene preuve définitif de l'existence d'Allah seulement en observant le système solaire ki capave, tout au plusse, amène li à penser ki ene Dieu existé réellement. Le fait ki ena ene Bondié et ki Li exister réellement fine toujours prouvé à travers bane l'enseignements ki bane prophètes fine mette de l'avant. Si bane dimounes, tel couma sa humble serviteur et messenger d'Allah là – ki ene suivant obéissant du Saint Prophète Muhammad (saw) – pas ti apparaite dans sa le monde là, alor le monde ti pou privé de la preuve réelle et complète de l'existence d'Allah.

Ki Allah ouvert bane les cœurs fermé avec So la lumière puissant et arrose bane les cœurs secs avec So de l'eau afin la vérité vine claire dans zot lizié physique et spirituelle et kot alor zot conforme zot à bane commandements divines et reconnaite et obéir bane Messagers de zot l'époques, sak fois ki ene Messenger pou vini, et sa, ziska le Jour du Jugement Dernier. *Ameen.*